



62 317

I  
QVÆSTIO MEDICA.

QVODLIBETARIIS DISPVATIONIBVS

MANE DISCVTIENDA

IN SCHOLIS MEDICORVM,

die Iouis VII. Decembris.

M. ROLANDO MERLET,

DOCTORE MEDICO, PRÆSIDE.

*An ex salacitate Caluities?*

I.

**H**OMINIS caput cæteris regionibus corporis situ & dignitate præstat, quia cerebrum præcipuum animæ immortalis domicilium continet, ad cuius tutamen galeam osseam obtinuit, cui subjiciuntur Meninges ambæ, super imponuntur pericranium, & cutis musculosa obsita pilis, quos prouida natura ad ornatum, tutelam, & ad exhaurienda corporis superflua concessit; sunt siquidem ex crassis, terrenis, fuliginosis tertiæ coctionis partium solidarum reliquiis, quas per angustos cutis meatus calor expellit: ibi dum hærent, densantur, successu verò temporis nouis aduentantibus succis foras protruduntur. Verùm exeunt magnitudine, consistentiâ, colore & figurâ prorsus dissimiles, pituitosis albi, melancholicis nigri: sic in cute tenui tænes, in crassâ crassi: recti sunt ob viarum rectitudinem,

ẽ

crispi propter obliquitatem & maiorem cutis & exhalationum siccitatem. At pro ratione morborum & ætatum, pili non solum immutantur; sed è capite defluunt, sicut ex rerum non naturalium usu; sed maximè ex Veneris abusu, qui præmaturam caluitiem inuehit.

## I I.

**V**ENVS alma si liberis procreandis solummodò inferuiret, nemini obeset: dum verò nimia libidine incenditur, vniuersum corpus macrescit, & marcescit; atque etiam caput depile ac debile euadit. Pili solis animalibus viuiparis insunt: sed quibusdam aculei pro pilis; nec hi, nec illi partibus annumerantur: pilorum alij congeniti sunt, alij postgeniti. Illi (qui ex semine paterno) in capite, superciliis & palpebris reperiuntur, in quarum cartilaginibus pari semper magnitudine conseruantur: hi totidem in locis prodeunt, in pube, axillis, & faciei parte inferiori: alibi quoque nascuntur, vt in naribus vibrissæ; in quibusdam per vniuersum corpus, ita vt hirsutum sit penitus, & hinc salacitas arguitur. In viris barba, maiestatis symbolum, mentum exornat; in mulieribus vix reperitur, nisi menstrua omnino defecerint, vt Phaëtusæ, Namysæ & Cariæ fœminis contigit. Copiosius erumpunt pili in partibus superioribus hominis, contrà in inferioribus brutorum: Ita per senectutem in superciliis quorundam accrescunt, vt tondendi veniant: an quia sinuosis ossibus apponuntur, quæ tunc laxiora plus humoris suppeditant? Sicuti plantæ in locis nimis arefcentibus vel irriguis haud luxuriant, nec itidem pili, qui nunquam è cicatrice exoriuntur.

## I I I.

**P**ILORVM affectus, canities & caluities, hi à naturâ sunt, ἀνομήνια verò & ὁπλαίς à morbosâ constitutione. Caluities plantis, auibus cæterisque animalibus quodammodo communis, hominis est maximè propria: caluescit caput non quidem omni in parte, sed in syncipite & vertice: ca-

nescit prius in temporibus, <sup>3</sup> è superciliis aliquando decidui sunt pili, & hæc *τελχεσία* est *αιχραρτλασις*; vix vnquam è palpebris defluunt. A caluitie ad capillitium non datur regressus: hanc capitis læuitatem rarò spadones, pueri & mulieres patiuntur; rariùs qui varices habent, & qui nondùm Veneri indulgère; at hujus vsu immodico calor & humor ita imminuuntur, vt inde præpropera caluities accedat, cuius causa præcipua excrementi pinguis & lenti penuria, cum immoderata cutis siccitate, vel vitiosi succi permixtione; pili autem còrùm vix dilabuntur, at verò post hunc alibi celerius luxuriant ac propagantur.

## I V.

**S**E M E N quod nec animatum est, nec ab vniuerso corpore deciduum, à solis testibus prolificum manat; hoc ad generationem mas & fœmina conferunt: cui certè hæc plus tribuit, ideòque non citra insignem injuriam naturæ monstrum dicitur. Ab vtroque parente semen masculeum & fœmineum excernitur; Fœcundum quidem, quod spiritibus turget, & est glutinosum, tale non effundunt cetera animalia, sed tantùm pilosa. Fœcundum etiam, quod in aquam effusum subsidet, quod verò diffunditur infœcundum, & quod flatibus turgidum: hanc ob causam melancholici, licet veneris appetentes, minùs fœcundi quàm sanguinei, qui licet vitæ diuturnioris, minùs tamen quàm alij ad laborem & scientias apti: minùs quoque fœcundum semen in iis, qui frequentius Venerem exercent, vnde ipsorum proles imbecillior, vt & juniorum.

## V.

**M**I N V S salaces sunt mares, licet fœminis calidiores; nec sanè à solo calore salacitas. Qui hac veluti æstro incitantur, frustrà immortalitati student: citam enim senectutem, imò mortem sibi asciscunt. Salaciora animalia non solum vitæ breuioris, sed staturæ minoris visuntur, quæ licet multis pilis vestiantur, hos citius exuunt. Libido, quæ

optimos etiam obiquos agit, non tantum pilorum jacturam affert, sed grauiora damna; robur articulorum dissoluit, viscerum temperiem euertit, vitæque fundamenta diruit: è contra verò Venus moderata, quæ sanguineis & pituitosis maximè utilis, his caret incommodis, nec ita citò cæsariem deponit, imò iucundam hilaremque vitam reddit, nec soli indiuiduo, sed speciei quoque non parum inferuit. Verum salacitas pilorum simul & vitæ jacturam infert.

*Igitur ex salacitate caluities.*

---

DOMINI DOCTORES DISPUTATVRI.

|                                |                               |                                   |
|--------------------------------|-------------------------------|-----------------------------------|
| <i>M. Alanus Lamy.</i>         | <i>M. Antonius de Sartes.</i> | <i>M. Michaël Mayés,</i>          |
| <i>M. Claudius Quartier.</i>   | <i>M. Daniel Arbinet.</i>     | <i>M. Antonius Akakia.</i>        |
| <i>M. Franciscus Landrien.</i> | <i>M. Franciscus Lopes.</i>   | <i>M. Nicolaus Cappon, Pharm.</i> |
|                                |                               | <i>Profess.</i>                   |

---

Proponebat Lutetiæ HIPPOLYTUS DV VAL,  
Pontisaranus, Anno Domini 1662.

PARISIIS,  
Apud FRANCISCVM MUGVET, Typographum  
Regium, viâ Citharæ, ad insigne trium Regum.

M. DC. LXII.

*cette thèse est la 1134<sup>e</sup> du tome VII  
du recueil in folio.*